

歐北集

第十二
函
十冊

歐北集卷三十七

用舊

陽湖 趙雲崧

揚州觀劇

又入揚州夢一場紅燈綠酒奏霓裳
經年不聽游仙曲重爲雲英一斷腸
回數歡場歲幾更梨園今昔也關情
秋娘老去客顏減猶杖聲名壓後生

故事何須出史編無稽小說易喧闐
武松打虎崑崙犬直與關張一樣傳

今古茫茫貉一邱恩仇事已隔千秋
不知於我于何事聽到傷心也淚流

題竹初爲袁趙兩家息詞後

余戲述于才游蕩之跡作呈詞控於色拙存太守于才亦

有前詞太守不能斷行

初有意詞了此案

一重公案起無因太守筵前訟牒陳不設青紗圍自解

累君來作謝夫人

各挾雌黃訴到官問羅包老也顛頑竹蕉兩造皆情熟

欲判輪贏下筆難

調話褒貶總白癡客嘲賓戲戰交綏兩家旗鼓今無用

同看營門射戟枝

駕蓉溪湯翁得元孫之喜

弧矢懸門映日華沈兒佳誌儘堪誇
纓世族知多少

眼見元孫有幾家

圭鏡何須鑄白工桐孫枝又發孫桐太翁作已非容易
况作人間太太翁

焦山江上爲世世傑與元阿珠

元史名阿珠

董文炳血戰

處事見宋元二史從未有咏之者舟行過此補

弔以詩

江上峯浮一螺碧啼鳥落花生寺僻豈知曾閱古烽烟
往往山根見折戟白鷄船雄排水寨開戎旃萬舸截江
來箭風礮火吼水立蛟鼉駭走不敢迴可憐殺氣乘潮
漲南北戈船互衝盪一貪佐命立奇勲一誓捐軀保危
障功臣忠臣共戰塲運異興衰氣同壯終然浩劫入滄
桑縱有赤心天不諒烟歆橫空醬蔽江十萬健兒魚腹

葬我來斜渡一帆風往日兵氛久洗空聞把陳編撫遺
事江山如舊哭英雄山前一片飛濤洶想見當年戰血
紅

謝未堂司寇八十壽詩

卿月歸來宿望懸弧南星正郎中天科名朝右稀同輩
花月江南有散仙映座容顏猶少日公面有少容陶情絲竹白
中年稱觥盛事誰能及雙戟高門入秩筵

到揚州追悼西巖前輩

蠟屐重經廿四橋黃燭回首頓覓銷前遊未久方期續
老背無多忍使凋歌僞有思民祭社傳經無恨子登朝
半生遷作生芻市來補橋元酒一澆

周北張南似比鄰拈題賡和壁箋頻江湖歡會幾忘老
風雨高歌覺有神耿耿孤燈書館夜萋萋宿草墓門春
十年來往揚州路哭到先生第五人

金標亭白秋齋吳涵
齋唐再可已先下世

壽麗川中丞五十

祝嘏歡聲萬戶同瑤籌增報海天東人欣開府頭還黑
春爲催梅萼已紅長養和平閭井晏總持風雅拈壇崇
從知福履舒長甚半百年華日正中

送李拙存郡守移守皖江

襦袴中吳澤久涵郵亭此日送征驂來傳仙李從天上
去有甘棠憶召南行轍已難畱郭伋離筵忍復唱何戡
皖山奪我陽春腳佳氣先看滿翠嵐

乙卯元日

爆竹聲中早起虔望空遙拜九重天歸田身久東臯隱
祝國心猶北闕懸三白臘寒留舊雪五雲曉霽慶非烟
國家大福吾私福身閱乾隆六十年

寄壽子才八十

跋扈詞場一代雄白鬢如雪氣如虹儒仙句曲陶宏景
詩叟山陰陸放翁地占六朝金粉後名高九老畫圖中
錯疑天寵才人極福壽都教付此翁

早拋袍笏罷登場換得林居歲月長到老未除才子氣
多情猶昵美人香

門下多
女弟子

詩篇海內知名姓科第人間少

輩行得不降心投地拜此生幾見曾靈光

一燈

出身早脫子衿青堪笑丹鉛尚不停頭白一燈孤館裏

廿三部史十三經

欽定舊五代史刊行故有二十三史

徐殿鳳湯緯堂兩明府皆余同鄉舊識也一死金

川之難一死臺灣之難已邀恤蔭今兩家子弟

又送栗主入忠義祠郡邑有司及鄉之搢紳咸
來襄事哀榮兼備二君爲不死矣詩以紀之

表忠祠廟掃榛菅栗主新增配食班曾記招魂荒徼外

竟看分席古人間

祠本祀宋末守城殉難諸公

榮名已自垂方策朽骨何

須返故山各有承家賢子弟靈旗應慰夜深還

天河

誰把虛空界畫粗生將別恨坐黃姑青天爲紙山爲筆
倒寫長江萬里圖

朔風甚急萬鴉集於枯木皆向風而立無一錯互
者乃知其向風則羽毛轉順也向聞魚亦多逆
水而游同是一理

寒鴉枯木景蕭騷觸目都增見地高鳥立向風魚逆水
物生各自受鱗毛

戲書誇官者

壓斷東陽瘦沈腰萬釘寶帶費金銷爾官於我千何事
倘若無人意氣驕

觀音閣碑

堪笑籌車致祝情，望奢那計一蹄輕。
百金捐造觀音閣，便欲碑刊萬古名。

魴魴

何魴有毒魴魚刺，至美中偏不美存。
夜夢忽然來報喜，魴魚骨變作河魴。

紅橋

來往紅橋跡尚頻，朋簪連袂踏香塵。
花明柳暗春三月，白髮蒼顏友五人。

吟堂松坪既堂春農
及余皆鬚髮皓白

吟社肯辭詩韵險，香厨

各門食單新却因。聽到山陽笛，存歿關心又愴神。

傷西園
諸公之

也歿

宦囊

解綬歸來卜築忙老夫曾此賀華堂看他營造看他賣
何事人猶羨官囊

夜泛

清游趁良夜風露罨吟身天遠似連地月高偏傷人塵
氛一以淨詩境此焉真何處漁歌起寥寥古渡濱

齋前寶珠山茶一樹數百年物也萬花艷發其光
絳天邀北溪謙齋蓉湖立菴瑩溪曉東緘齋諸
人賞之賦詩以紀

季倫珊瑚高七尺賈胡貴銜紅刺石天公憐我蕭齋陋
賜以寶珠滿院赤山茶難得千辨妍况復老榦數百年
吾家獨擅此奇古其根拔地枝摩天胚胎含英隔年結

爾栗春來始綻裂大瓣外張六出奇細瓣中噴一腔熱
不知何物染得成世間無此猩猩血東風一吹千萬朵
高下都開笑口歌熊熊日午光絳天嚇得鄰家來救火
火齊木難枉擅名以名嘉樹乃真可此時安得無杯盤
爰邀素心來盡歡家貧不能列歌舞借此聊作紅粧看
便如張鑑畫堂宴妖姿十隊胭脂丹又如三千殿脚女
錦衣袈服明江干尊前忽然大富貴景象一洗儒生酸
斜陽過牆日將夕花光流艷照座客樹老花愈紅人老
頭愈白白頭映紅花頓覺老態失未醉已覺朱顏酡大
得此花增氣色

偶題

施嬌環燕總嬌姿幸不同時各擅奇若使同時相比較
就中又自有妍媸

插架

插架圖書手一編蕭齋晏坐意超然自尋幽趣驚人句
不羨腥羶使鬼錢務觀醉醒文字裏堯夫生死太平年
似聞天上多官府又怕飛昇去作仙

題北溪謙齋蓉湖三壽圖

潞公曾有言獨壽苦無奈故交零落盡所遇少年輩捧
杖纔接談避席輒思退所以洛社開廣結老人會盍簪
非一姓佳話已矣贈何哉一門中乃有三耆艾吾鄉北
郭劉名行著當代傳經守家學出仕與官誠北溪判隨

州事簡參佐解不肯傳舍視辛勤績報最政成賦遂初
腰脚尚健在謙齋早摘科蜚聲鳳羽覲作令歷閩粵所
至有遺愛歸老尚苦吟詞壇樹旌旆蓉湖擅經藝設教
先在沛旋宰駱越鄉兵後撫凋瘵官罷貧不支盤餐仍
咬菜齏茲好兄弟鰈脚洵相配幼已讓棗梨老猶其鋤
耒人總一堂上年皆七旬外新詩擘紙廣先訓書紳佩
無煩出門交自有聯牀快寫照者誰子濡毫得其概林
下三白頭善氣迎人藹巾屨各飄蕭松石互暎帶一幅
列仙儒翛然脫塵壚遠比三茅君游戲良常界近追壽
愷堂璫簞耄猶對笑彼耆英枉勞徵冠蓋娛老求友
聲豈如家庭內花萼久更榮桑榆晚未暖衣冠真盛事

千載此寶繪

暮景

天教暮景尙飛騰一兩芒鞋七尺藤里有老朋堪結社
山無游伴且尋僧詩成枕上晨揮翰花滿欄前夜點燈
此是晚年消受處向來流蕩愧何曾

已無一事可垂芳稍稍家規自立防食儉祇憑三韭菜
養衰敢望獨參湯詩篇久斷吟紅句鬚髯羞爲拔白方
七十曰傳原古訓早將生計付以郎

范莪亭孝廉得二扇面一爲倪元璐畫石一爲張

煌言自書江上聞笛詩合裝成卷索題敬書於

後

巡遠睢陽哀張陸匡門厄皆因同死事連傳在史策此
卷兩忠臣先後廿年隔一攀鼎湖髯一銜精衛石死固
非預訂生并或未識手筆乃各傳無端作合璧四明范
莪亭夙有嗜古癖書畫廣購藏兩筵快新獲嘆其義烈
同聯之幅盈尺我閱倪公畫片石寫寒瘠想見骨力堅
卓立千仞壁我讀張公詩聞岳秋江夕和以激楚音直
近烟竹裂二公染翰時豈意其素冊遺墨一朝聚相映
光愈赫遂覽橫卷中淋漓滿紙熱石無巨鼇戴筍有老
蛟泣當年滄桑痛耿耿尙如結兩氣化一虹雙血凝一
碧自非搜剔勤曷萃此名蹟殉節前賢事表忠後人責
縑素垂千秋應可慰毅魄

題周山茨觀察老圃秋容圖

冷艷離離入焦墨不寫春華寫秋色風光偏稱白髭鬚
是我故人幾不識公昔登科最少年吹簫子晉縵山仙
明光奏賦不起草搖筆壓殺才人千遂乘露輶按五管
清風瘴掃蒼梧烟我從詞垣早師事出守又爲公屬吏
鎖院秋燈酒共傾

辛酉
警閣

粵江夜雨舟同繫

已說自廣州
隨公至桂林

彈指

俄驚三十春雪鴻往跡不堪論公會出塞悲流徙洗亦
歸田作隱淪此時尙說香晚節三尺兒童也笑絕豈知
人各有秋容何必升沉共一轍君不見陶家籬韓相圃
一在岩廊一環堵後先兩個菊主人一樣清芬古千古
公今才望隘九州書法况埒虞褚歐煌煌碑版照四裔